



## **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

**Riedel, Adolph Friedrich**

**Berlin, 1865**

CVI. Kurfürst Joachim und Markgraf Albrecht belehnen Georg und Caspar  
von Löben mit Neuhausen, Kahren, Bresinischen und Frauendorf, am 24.  
October 1500.

---

---

**Nutzungsbedingungen**

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

Agieren, Citacion vnd ander notdurfftig briue zu bitten vnd nemen, die dem oder denen, So oft not sein wirdet, zuuerkonnden, mich zuuertreten, Schuld vnd klag von meinen wegen schriftlich zu bitten vnd widerumben zu geben, der gleich antwurt gegen Red vnd nach Red darauf getun, ya oder nayn nach gelegenheit der Sachen zu sprechen, darzue gewondliche vnd geburliche aid in mein Sele zugelaiten vnd widerumb von denen, So villgedacht herfchafften, Stet vnd Slofs mit Irer zugehorung vertreten werden, oder derer Anwelden zunemen, wie oft vnd digk das not tun wirdet, gewondlich bedengkhtag vnd termin zu uordern, allerley Instrument vnd briue zu vberfehen, die zu widerreden vnd zuerlegen, zu appellieren vnd sich beruffen, die Appellacion zuerkondigen, zu Innuiren vnd der volge zu tun vnd funsten ein yglichs vnd sonderlichs In Sonderhait vnd gemain zu tun vnd zu lassen, das warhafftig Anweld vnd procuratores zu tun haben, gleichsam das alles hierinn geschriben stunde. Ich gib auch In vnd Ir yglichem In sonderhait volle macht, an Ire stat ainen oder mer ander procuratores vnd Anwelde zu feczen, kyesen vnd substituiren, ainen oder mer vnd den oder die wider abzufetzen, Reuociern vnd fulche burde oder Anweldschafft wider vnd so oft auf sich zu nemen vnd alles anders zu tun, ob es auch sonderlichs beuelhes bedorffte, zu gewin oder verluft der sache, was auch von genanten meinen Anwelden oder denen, so sy weiter substituiren, beslossen, angenommen vnd gehandelt wirdet, Gerede vnd globe Ich vnwiderrufflich trewlich, Stete vnd vest zu halten. Ob auch nach Scherff des Rechtens oder der Landgewonheit gedachten meinen procuratoribus vnd denen, die sy substituiren mogen, weyters vnd merers gewalts zu diser meiner Sachen volfuerung not wer, den hierinn stet vnd aufgedrugkt ist, will ich, wie nach ordenung der Rechten, In aller pestter weys, form vnd auch nach der Land daselbs gewonheit, macht vnd gewalt gegeben werden mocht, Inen volliglich gegeben haben vnd hiemit geben. Des zu warer vrkund hab Ich mein Infigl hiefur gedrugket vnd zu zewgnufs Ire Infigl oder petschaft, So dazumal Infigl bey sich nit gehabet, die Edeln, wolgebornen, Gestrengen, Ernvesten vnd namhafften herrn, herrn Burjan von liechtenburg, herrn Gindzichen von wartemberg, Herrn petern pogan Span zu preffburg, all kuniglicher Maiestat Camrer vnd herrn hanfen Turzo neben das mein zu drugken mit vleifs gebeten. Gescheen vnd geben zu preffburg, am montag vor Elizabeth, Anno domini etc. nonagesimo nono.

Nach dem Original im Königl. Preb.-Archiv zu Magdeburg.

**CVI. Kurfürst Joachim und Markgraf Albrecht belehnen Georg und Caspar von Löben mit Neuhausen, Rahren, Bresnichen und Frauendorf, am 24. October 1500.**

Von gotts gnaden wir Joachim, Churfürst etc., vnd Albrecht, gebruder, Margrauen zu Brandenburg etc., Bekennen offentlich etc., das wir vnfern lieben getrewen Cristoff, Georgen vnd Caspar, gebrudern, gnant die von lobben, zum Newen hawfz, vnd Iren rechten menlichen leibs lehens erben disse nachgeschriben guter vnd dorffer, nemlich Newen hawfz, karon vnd das dorff Bresnichen mit mollen, wasseren, Grefingen, zinszen, renten vnd allen Iren gerechtgkayten, wie sie dieselben von vnser herfchafft zu lehen gehabt, besessen vnd

gebrucht haben, dar zu das dorff Frawendorff, so sie von Gotz von welmerzdorff erblichen erkaufft, vnd vff ir behuff vor dem amptmann zu cotbus verlassen hat, zu rechtem Manlehen vnd gesampter hant gnediglich gelihen haben etc. Actum Cotbus, am Sonabent nach vndecim milium virginum, Im XV<sup>o</sup>.

Nach dem Churmärf. Lehns-Copialbuche XXX, 126.

**CVII. Kurfürst Joachim und Markgraf Albrecht verschreiben dem Hans Pannewitz Dönig und ein Freihaus in Cotbus zum Angefälle, am 7. März 1500.**

Von gotts gnaden wir Joachim, kurfurst etc., vnd Albrecht, gebruder, Marggrauen zu Brandenburg etc., Bekennen —, als wyland der durchlucht hochgeboren furst, her Johannis, Marggraff zu Brandenburg vnd Churfurst etc., vnser lieber herr vnd vater seliger vnd loblicher gedechtnus, vnserm lieben getrewen hanfzen pannewitz zu katlow vnd seinen menlichen leibs lehens erben vmb seiner getrewen willigen dinst willen gnediglichen zu rechtem manlehne vnd angeuell verlihen, gegeben, zugesagt vnd verschriben das dorff ofznick mit dem gesetz vnd allen nuczungen vnd gerechtigkeyten, so vnser lieber getrewer Nickel zofznick von vns vnd der herrschafft zu Brandenburg zu lehne hat, besitzt vnd gebraucht, nichts aufsgenomen, wenn der genant Nickel zofznick one menliche leibs lehens erben verstorbt, das er das alldann one alle weigerung vnd eintrag von vns, vnser herrschafft nemen, entpfahen vnd haben soll, desgleichen das freyhaws, so peter von polenczk In vnser Stad Cotbus gelegen von vns vnd vnser herrschafft zu lehen hat, auch zu rechtem manlehne vnd angeuell, so peter von polenczk one menliche leibs lehens erben versterben wird, gegeben vnd verschriben, alles nach Inhalt vnd besagung der brieff daruber aufgangen; darauff hans pannewitz vor vns komen vnd mit dyutiger fleissiger beth angefallen, Im so gnedig zu sein vnd solch vnser herrn vnd vaters gnad vnd verschreibung gnediglichen geruchten zu Confirmiren vnd zu bestettigen, Sulch sein billich bet wir angesehen vnd vmb seiner getrewen dinst willen, er vnserem herrn vater seligen vnd der herrschafft williglichen getan hat, vns hinfurder wol ton soll, kann vnd mag; darumb vnd von sonderlicher gnaden wegen haben wir genanten hanfzen pannewicz vnd seinen menlichen leibs lehens erben die oben angezeigte gnade lehen vber das dorff ofmic vnd das haws zu Cotbus gnediglichen confirmirt vnd bestettigt etc. Geben zu Colen an der Sprewe, am Sontag Reminiscere, Im XV<sup>o</sup>.

Nach dem Churmärf. Lehns-Copialbuche XXX, 172.